

www.BibleForChildren.org

San Mateo 8



Báij taahuarim huéy, pueblo Caná Galiléa buiärapo boodatukay. Jü Jesústa áiye két áma aaney. Jesús éntok ä discípulom, kéchim áman núnuritukay, jum boodahui.



Juka vinota lütek, Jesústa áiyé ínel áu jiaahuak:
—Kaitam vinota jípure. Ä áyehua éntok ínel ámeu
jiaahua, huame áma sáyhuammehui: —Sïmetem
áapörík enchim yáa sáhuëu yáuhua.



Jesús ínel ámeu jiaahua: —Ímëi sötörimem bäammea tápunia. Huanärim jikau tájti am tápuniak. Huanäi ínel ámeu jiaahua: —Ikkikem nüka, jü áma nésahuemtau am huéria. Huanärim áu am tójjak.



Huä áma nésahueme éntok, jume bäam vinosi
ayulame jihueka ä tütürek, kaa jünéaka jákun ä
nütukaihui. Të jume áma
sáyhuame ál-la jüneiyay,
jume bäam jákun bem
nükaihui.



Huanäi juka jubemta núnuteboka, ínel áu jiaahua:
—Sime yoremem juka vino türik bácham jíítua;
chúkula béja yünam jilatuk,
huaka kaa tua türik am
jíítua. Të empo huaka
vino chë türik
ërialatukay, én tájti.



Jesús ímëi señaalim bát huéeme yáuhuak, jum Caná Galiléapo, éntok yeu ä machiriak juka chë yörisi machik át ayukähui. Huanäi huame ä discíipulom ä súaleka taahuak.



Jesús Perota jóau yepsak. Huanäi
Perota asu bitchak, táij huécheka
bökamta.



Huanäi mámpo áachä mámtek, jü táij huéchiria
ä tójjak; huanäi yejteka jita am joria táytek.




Huanäi huäri taahuarit täata áman huétchuko, síme huame kökoreme áu nau tóijhuak, entok huame lemooniom bem jiápsipo jípureme. Júnëli síme puéblopo jóakame áman nau rúktek jum puertahui.



Jesús éntok juebenam tütek, kökoata jípureme.
Juebena lemooniom yeu béebak, entok kaa am
noktuak, bueitukim béja jüneiyay ä jábétukähui.



Huanäi sime jü génte át jálojti báreka tepa éiyay,
bueituk jü úttiära át yeu huéiyey. Júnëli béja
sime kökoreme türiay.



Huanäi naikika káráktilata nau
huériakam Jesústau yájjak.



Tem genteta juebena béchibo kara
Jesústau kiimuy. Huanärim jü kárit
jámuka ä anëbeu béppa ä
guójoktiak. Huanärim huämi
áman áu kómä teekak,
huaka káraktilata,
áachä böyëumak
chíkti.



Jesús bem Diosta
súalëu bíchaka,
ínel au jiaahua jü
káraktilatahui: —In
üusi, bejë
jiokorihuak em
Dios bejrimmechi.
—Emoune ínel
jiaahua: Yejtekë
em at böyëu
tóboktiaka huéiye
em jóau bíchaa.




Áapörik barcopo jämuko, ä discíipulom áa sáu sájjak.
Huanäi buere jéka bahuepo áu
tóboktiak; jume bää máresim
éntok röakteka barcotam
patpattiay; të Áapo
kótchey.



Áapo ínel ámeu jiaahua: —¿Jatchiakasem májhue,
eme yoremem kaita súalëram? Huanäi yejteka, jü
jekatau entok bahuetau kutti nónokak; huanäi síme
yánti taahuak. Huanäi jume yoremem áa
bétana buére éiyay, ínel jíaka:

—¿Jábesa ïri yoreme,
juka jekata entok
bahueta sáhueme?
¿Ímëi éntok ä nokäu
johua!



'Dios, jume ímĩ ániapo jíápsame úttesi
am nákeka, huépülak jíba Üuseka
sĩme genteta mámpo ä tójjak, bueĩtuk
jábetaka junne ä súsualekame kaa
muknake, ál-la jíbapo béchĩbo
jíapsinake.



Romanos 3:23

Kaa tühuata simem yáakä béchïbo, simetakam yeutana päkun tahuala, Diosta lóoriapo.

Romanos 6:23

Bueïtuk jü kaa türik joame muknake; ínëli béjtuataka tahuanake. Të jü tühua Diosta yore mikähui, jüri jíbapo béchïbo jíapsihuame, Cristo Jesús itom Señorta huämi.

Hebreos 9:27

Bueïtuk ínëli chúpari jume yoremem, séjtul jíba am kókkonakëhui; chükula entok jü bette noki ámet chúpanake.



Efesios 2:8,9

Bueituk Diosta tü eäu beyem jínëuri, enchim ä súalekä béchïbo. Ìri jínëuria éntok kaa enchimmet yeu simla, ál-la yúmalasi Diosta tü éäpo, kaa tékilta ára itom joä béchïbo. Ínëli kaabe joäyi áu jábelnake.

Romanos 10:9,10

Bueituk Jesús jü Señor ti jíaka em teniay yeu ä buísëtek, entok em jiápsipo ä súalëtek, Diosta kókkolam násuk ä jíabitetuakähui, jínëutunakee. Bueituk jiápsipo ä súalhuäpo Diosta bíchäpo tü yóremtaka tatahua; jü teniay éntok yeu buíbuijhua, jínëutaka tahua béchïbo.



San Juan 3:16,17

'Dios, jume ímī ániapo jíápsame úttesi am nákeka, huépülak jíba Üuseka síme genteta mámpo ä tójjak, bueituk jábetaka junne ä súsualekame kaa muknake, ál-la jíbapo béchïbo jíapsinake. Dios ä Üusihua ániau kóm bíttuak, huame ániat jíápsammet kaa béttesi nokta ámet ä chúpanakë béchïbo, jume bem Dios berjim am jiokörinakë béchïbo áapörík huämi.

1 Juan 5:11-13

Íri ájária jü Diosta júneriahuähui: yü jíapsihuamta Diosta, itom makähui. Íri jíapsihuame, ä Üusibet áyuk. Jü Diosta Üusi jípureme, jíapsihuamta jípure; jü Diosta Üusi kaa jípureme, kaa jíapsita jípure. Íkäine enchimmeu jïojte, eme jume Diosta Üusi súalemmehui, yúmalasi enchim jüneenakë béchïbo juka jíba béchïbo jíapsihuamta enchim jípurëhui, éntok jíba juka Diosta Üusi enchim súalnakë béchïbo.



San Mateo 8-9; San Marcos 1-2, 4;
San Lucas 4, 8; San Juan 2

Storyline by: Edward D. Hughes

Illustrated by: Byron Unger, Lazarus,
and Alastair Paterson

Adapted by: E. Frischbutter, Sarah S.

Mayo NT (mfy) © 2014, Wycliffe Bible Translators, Inc.
All rights reserved

<https://live.bible.is/bible/MFYWBT/MAT/1>

©2026 Bible for Children, Inc.

www.M1914.org

www.bibleforchildren.org

